

AKASHVANI AIZAWL

REGIONAL NEWS BULLETIN

Date – 19/07/2025 Time - 18:30 -18:40Hrs

HEADLINES (EVENING)

- Mizoram Oil Tanker Driver Association chuan vawiin atang khan Sairang leh Kawnpui inkar kawngchhia avangin an lirthei an din tir.
- Mizoram Presbyterian Kohhran thalai, KTP te chuan ruihhlo do beihpui an thlak mek.
- Enforcement Directorate ED chuan vawiin khan tech company Google leh Meta te chu online-a sum inthap chungchang thubuaiah hriattirna a pe.
- 4. Union Minister for Youth Affairs and Sports Mansukh Mandaviya chuan ruihhlo ti lo thalai te chu India in 2047 a ram changkang anih theihna turah an pawimawh thu a sawi

<><><>

OIL TANKER DRIVERS PROTEST

Mizoram Oil Tanker Driver Association MOTDA chuan vawiin atang khan Sairang leh Kawnpui inkar kawngchhia avangin an lirthei an din tir.

MOTDA President Pu Romel Lalruatdika chuan Akashvani zawhna chhangin nimina thuchhuaha an lo tarlan tawh angin vawiin atang khan kawngchhia avangin an lirthei an din tir tan thu leh Oil Tanker khalhtuten an zawm that thu a sawi a. Sairang leh Kawnpui inkar kawngpui chu tlan ngaihna a awm tawh loh thu sawiin a kal apiang an tan loh leh an tlu a ti a a. Kawngchhia avangin hun rei tak tak kawngah an cham thin thu a sawi a ni.

Pu Romel Lalruatdika chuan kawngpui chu black top beiseia an nawr loh thu a sawi a. Black top mai theih a ni lo tih chu an hre ve reng a, hetihreal hian a chhe zual leh a khuar zual lai chu hnawh sak tura thuneitute an beisei thu a sawi a. Hnawh chauh hi chuan rei a daih dawn chuan loh avangin hnawh mai bakah roll tel tura an phut thu a sawi a ni.

Pu Romel Lalruatdika chuan sorkar lam nen inbiakna an neih rih loh thu a sawi a. Thuneitu leh a kawng siam mek tute ngaihchan rih chu an tihtheih awmchhun a nih rih thu a sawi a. Vawiin atangin Oil Tanker pakhatmahin load an lak loh thu a sawi a, Guwahati-a Northeast Petroleum Mazdoor Union ten an thlawp thu a sawiin Mizoram Tipper Owners & Drivers Association, Kolasib ten thuchhuah

hial siama an thlawp avangin lawmthu a sawi a. Fak Hlawh Lo Val Rual tih pawl te pawhin thuchhuah siama an thlawp thu leh lawmawm a tih thu a sawi bawk a ni.

Voicecast

Mizoram Oil Tanker Driver’s Association te hian Sairang leh Kawnpui inkar kawngpui chu tlan theih pangngai a nih hma chu an tlan dawn rih loh thu an sawi a. An lo sawi lawk ang hian an lirthei an din tir a. Kawng khuar chu tlan ngaihna awm lo leh a lirthei khalhtute nunna atan pawha hlauhawm a nih thu an sawi a. A bik takin Oil Tanker te chu an chetsuala kangmei a chhuah theih avangin an tan a hlauhawm bik thu a sawi a. Thuneitute lam, a kawng siam mek tu a ni emaw, sorkar lam a ni emaw la ngaihchan zel an tum tih an sawi a ni.

Congress Party thalai Mizoram Oil Tanker Drivers Association ten kawng chhe lutuk avanga nawrh an neih a ngai ta chu pawl an tih thu an sawi a.

Vawiina thuchhuah an siamah he thu hi tarlangin Mizoram chuan thiam leh thil dik lo sawi mam thiam aia a taka hlenchhuak thei leh inngahna tlak sorkar Mizoramin mamawhzia a tichiangah an ngaih thu an sawi a. ZPM sorkarah thal vawi hnih hun rei tak hman a ni tawh a. ZPM sorkara a fawngvuantu Chief Minister, Minister te leh MLA mi 8 in kawng siam tur leh siam mek an tlawh tawh hnua Mizoram dinhmun chu kawng chhia avanga nawrhna leh harsatna thleng a ni an ti.

Congress thalaite chuan ZPM sorkar in an ti ang an tih aia an ti ve lovang tih zawng zawng an tih hlawhtlin zawk zel avangin Mizoramin kawng hrang hrangin harsatna a tawh an ti a. Mizoram hmun tinah kawng chhia avangin harsatna namen lo a thlen belh mek lain kum 15 daih kawng siam tura inzuar ten kawng an siam aia nuam tawlana lam an buaipui avangin nitin Mizoramin harsatna a tawh a zual belh mek an ti a.

Kum 2022 Assembly thutkhawma driver te hamthatna tur nia sawi private member bill, ‘Mizoram Private Transport Workers (Welfare) Bill, 2022,’ tih I&PR Minister Dr. Vanlalhlana put luh chu khatih laia MNF sorkar khan Drivers' te dinhmun siam lam ngaihtuahna an neih loh avanga pass ni ta lo mahse tunah a ti thei zawk dinhmuna an din tawh hnua engmah Driver te hamthatna leh an dinhmun ngaihtuaha an harsatna ching fel tura thawm engmah an nei lo chu mak an tih thu a sawi a.

ZPM sorkar aia sorkar tha zawk Mizoramin a mamawhzia te, inbumna thusawi thiam leh thil dik lo sawifiah thiam aia a taka thawk thei leh hlenchhuak thei sorkar Mizoramin a mamawhzia a ti Chiang Hleah Congress Thalai chuan a ngai tih an sawi a ni.

(Corr)



PWD MINISTER

PWD, Transport leh Parliamentary Affairs minister Pu Vanlalhlana chuan Mamit district Darlak leh Tuidam kawnga harsatna awmte a hmuna kalin a tlawh a, PWD Minister hi Tuidam PWD IB-ah khawtlang hruaitu, tlawmngaipawl aiawh te'n an kawm a ni.

Pu Vanlalhlana chuan Darlak leh Tuidam kawng chhiat avanga harsatna awm chu ngaihthah chi a nih loh thu sawiin, a thawmthatna hna thawh tan nan Rs 20 lakh ruahmanna siam nghal a ni a ti a, kawng siam tha turin ni hnih khat maia chinfel theih a ni lo a, furpui hmachhawn lai a nih avangin quarry atanga lung phurh chhuah pawh duhthusama kalpui a harsat rih a rin thu a sawi. NH 108 (NH44A) kawngsial duhthusama hlawhtlinna hmuh tak loh thawhzuina turin PWD lam hotute'n theihtawpin hma an la mek zel a ni a ti bawk.

PWD Minister chuan furpui a nih avangin ram leilung leh kawng dinhmunte a chhiain Sawrkar chuan theihtawpin hma ala a, hna rim taka kalpui zel a ni dawn a ni a ti.

PWD Chief Engineer (Highways) Pu Robin Lalrinawma, pawhin NH 108 kawng chungchang leh kawnghlui tuna zawh mek chhiat avanga harsatna awmte chu a changtu Department an nih anga sawizauna neiin he kawng ringtu a bikin khawthlang mipuite dawhtheihna chu fakawm a tih thu a sawi bawk.

(RD Darthanzauva Mamit PTC)

<><><>

CKTP

Mizoram Presbyterian Kohhran thalai, KTP te chuan ruihhlo do beihpui an thlak mek a, tun thla tir atang khan zana khawlaia ruihhlo ngai awm te ngaihvenin Street Ministry an kalpui tan a, an hmalakna hian December thla thlang a aw h ang.

Central KTP hnuaia Ruihhlo Do Committee Secretary Pu David Lalruatfela chuan Street Ministry chu KTP Rorel Inkhawm Vawi 11-na in a rel angin CKTP Ruihhlo Do Street Ministry chu tun thla ni khat atang khan kalpui tan a nih thu Akashvani a hrilh a. Zirtawpni zan apiangin Aizawl khawpui chhungah chuan hmun 14-ah KTP Branch hrang hrang te insem darhin Ruihhlo ngai te ngaihvena, ei tur te pein a tul angin counselling te pek thin a nih thu a sawi a. Mizoram chhunga khaw hrang hrangah pawh KTP Branch ten an remchan anga an neih thu a sawi a ni.

Byte of David Lalruatfela.....

Pu David Lalruatfela chuan Ruihhlo Do beihpui chu KTP ten kawng hrang hrangin an thlak mek thu a sawi a. Street Ministry mai bakah KTP Branch tin te anmahni huam chhunga ruihhlo avanga harsatna taw k te ngaihven tura ngen an nih thu leh hma pawh an la meka an hriat thu a sawi a. Ruihhlo that loh zia thuziak tarlanna hoarding pawh branch tin te tar turin an ngen tih sawiin Aizawl khawpui chhung branch bik chu AMC-ah a hlawmin tar phalna dil mek a nih thu leh, khawpui pawn lamah chuan nasa taka hoarding tara hma an lak tawh thu a sawi a. Ruihhlo thatlohzia inzirtirna branch tinah nei turin an in ngen thu a sawi a. Video clip tawi insiamsiak pawh buatsaih mek a nih thu a sawi a ni.

<><><>

CYMA FREE CLINIC

Central YMA huaihawtin vawiin khan Operation Kingdom Ministry (OKM), Phunchawng-ah Free Clinic buatsaih a ni.

Free Clinic hi Non Government Hospital Association of Mizoram, MSACS, Mizoram Chemist & Druggist Association leh National TB Elimination Programme (NTEP) te nena tangkawpa buatsaih a ni a. Free Clinic hawwna inkhawmah Central YMA Treasurer Pu Roneihthanga chuan thu sawiin Mizo mipa te tan tan a ngai tih sawiin ruihhlo bawiha tang tawh lo turin a chah a, hun tha an neih te bawlhpehl lo turin a chah baw k a ni.

Operation Kingdom Ministry-ah hian zirlai 380 lai enkawl mekin thawktu hi mi 44 an awm mek a. Non Government Hospital Association of Mizoram hian Doctor leh Nurse thahnem tak an thawhchhuah pui a. Mizoram Chemist & Druggist Association hian a thlawnin damdawi thahnem tak an thawh baw k a. MSACS hian HIV Screening leh ART damdawi la mekte dinhmun an endik a, NTEP te hian TB Screening leh test tul ang an tihsak baw k a ni.



AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Naktuk zing dar 7 leh a chanve-ah Chanchinthar puan leh a ni ang.



ED

Enforcement Directorate ED chuan vawiin khan tech company Google leh Meta te chu online-a sum inthap chungchang thubuaiah hriattirna a pe. Thudawn danin ED te hian heng company pahnih aiawhte hi Thawhtanni ah Delhi-a ED headquarters-a inlan turin a ko a. Online-a sum inthapna apps hrang hrang tihlarnaah heng company pahnihte hi an tel ve em tih uluk takin an chhui mek a ni.



KAZIPET RAIL MANUFACTURE

Union Railway Minister Ashwini Vaishnaw chuan Telangana Kazipet-a Rail Manufacturing Unit chu kumthar atangin ataka hna thawh tir a ni tawh ang a ti. Vawiina Union Coal Mines Minister G Kishan Reddy hova he Unit hmasawn dan an enhonaah he thu hi sawiin a hmunhma siam hna chu kuminah zawh a ni tawh dawn tih a sawi a. Hemi hnu hian Rail Engines, Coach, Wagon leh Metro rail coach te chu a tahtawlin sak chho a ni ang a. Kazipet Rail Manufacturing Unit hi peih fel a nih hun chuan ramchhunga lian ber a ni thei dawn a ni.



YOUTH

Union Minister for Youth Affairs and Sports Mansukh Mandaviya chuan ruihhlo ti lo thalai te chu India in 2047 a ram changkang anih theihna turah an pawimawh thu a sawi. Varanasi-a Youth Spiritual Summit a hawннаah he thu hi sawiin Pu Mandaviya chuan ram mipuite chu ram indintharna lam ngai pawimawh tur leh Drug-Free India Campaign chu zawm ve theuh turin a sawm a. Thalai panga tal he beihpuiah hian hruailut turin kalkhawmte chu a sawm a ni.

